

太上清靈毓真西華瑤池金母寶懺

啟讚（無上調）

仰稽依、西池上 遙瞻太素天

玉階依、呈寶色 梵氣結祥煙

圖授依、虞皇世 蹤傳漢武年

九玄依、名列四 五老氣開先

妙法依、轄真侶 飛鸞佈大千

蟠桃依、慶海會 丹果宴群仙

皈命禮大聖西華金母大天尊（三稱）

祝香神咒

道由心學 心假香傳 香爇玉爐 心存帝前

真靈下盼 仙旆臨軒 令生關告 逕達九天

淨口神咒

丹朱口神 吐穢除氛 舌神正倫 通命養神

羅千齒神 卻邪衛真 喉神虎賁 氣神引津

心神丹元 令我通真 思神鍊液 道氣長存

淨心神咒

太上台星 應變無停 驅邪縛魅 保命護身

智慧明淨 心神安寧 三魂永久 魄無喪傾

淨身神咒

靈寶天尊 安慰身形 弟子魂魄 五臟玄冥
青龍白虎 隊仗紛紜 朱雀玄武 侍衛我身

安土地神咒

元始安鎮 普告萬靈 嶽瀆真官 土地祇靈
左社右稷 不得妄驚 回向正道 內外澄清
各安方位 備守宮庭 太上有命 搜捕邪精
護法神王 保衛誦經 皈依大道 元亨利真

淨天地神咒

天地自然 穢氣分散 洞中玄虛 晃朗太元
八方威神 使我自然 靈寶符命 普告九天

乾羅答那 洞罡太玄 斬妖縛邪 度眾萬千
中山神咒 元始玉文 持誦一遍 卻病延年
按行五嶽 八海知聞 魔王束首 侍衛我軒
凶穢消散 道氣常存

金光神咒

天地玄宗 萬氣本根 廣修億劫 證帝神通
三界內外 惟道獨尊 體有金光 覆映帝身
視之不見 聽之不聞 包羅天地 養育群生
誦持萬遍 身有光明 三界侍衛 五帝伺迎
萬神朝禮 役使雷霆 鬼妖喪膽 精怪亡形

內有霹靂 雷神隱名 洞慧交徹 五氣騰騰
金光速現 覆護真人 急急如

玉皇上帝光降律令

伏以 混沌未開 孰見清甯之奠 洪濛既剖
始有高厚之分 氣之輕者為天 天曰乾父
氣之重濁者成地 地曰坤母 因是兩儀以生
四象 四象以立八極 而主木德者王公位
肇乎東 則名

木父 司金德者王母 位鎮乎西 則稱

金母 道冠五行之首 品重十華之先 王公統

司乾籍 王母掌坤綱 佐覆載以施功 與天
地而合德第 木公崇尚清靜 金母累示神奇
臨壇多垂訓之文 助國庇生民之壽 神靈莫
測 道範堪師 生等叨列道門 恆深仰戴 爰
潔齋壇 虔誠先啟

無上紫府玄祖大天尊 太上玉清元始大天尊

太上上清靈寶大天尊 太上太清道德大天尊

太上昊天玉皇大天尊 太上后土掌劫大天尊

太上日月兩曜大天尊 太上支天斗聖大天尊

太上勾陳天皇大天尊 太上紫微星主大天尊

太上中天五斗大天尊 太上五方五老大天尊
太上十極十華大天尊 太上南極長生大天尊
太上東極慈父大天尊 太上北極真武大天尊
太上西極昭化大天尊 太上貞明雷祖大天尊
太上三元三品大天尊 太上火官紀壽大天尊
太上旻王慈救大天尊 太上仁元救苦大天尊
太上梓潼元皇大天尊 太上忠武靈佑大天尊
太上純陽妙道大天尊 太上靈華太歲大天尊
無極聖眾天尊無量觀、
太上無量感應無量觀、、、

悉仗真香普同供養 至心朝禮

少陽大司命東華木父大天尊

讚

西瑤仙姥 太妙慈尊 玄宗廣啟轄坤真
金闕在崑崙 叩禱情殷 鑿輿下祥雲

皈命禮大聖西華金母大天尊（三稱）

至心皈命禮

靈鍾神州 聲馳閬苑 托體庚辛之鄉 沐浴
壬癸之境 玉樓重重 不數巫山十二 翠水
疊疊 能教桃熟三千 清虛標徵實之奇 坤

順轄乾陽之柄 五老與為 周旋八洞 時承
懿旨 飛鸞開化乎女宗 駕鶴談玄於淨土

克推仙祖允司婦儀 大悲大願 至玄至仁

西華清靈金母宏慈太妙無上元君

生等伏聞 崑崙宿海 灌溉群倫 紫府洪爐

陶鎔萬類 是為水火既濟 乃爾開闢鴻濛

惟火資生 非木則火無所麗 惟水肇始 非

金則水無所滋 故贊化之功 端造乎木 調

元之柄 望兆乎金 緬維

西華金母 本九玄之化 顯靈異於西陲 育先

天之金 流光耀彩 德推群陰之母 毓秀鍾

英 月仙並駕於中天 天后齊驅乎梵闕 雲

鬢侍御 左右均列 仙班鸞馭 趨參宮府 總

司女籍 誠坤道之津梁 抑瑤天之主宰 生

等忝列玄門 仰思懿範 皈身 皈命 遙冀恩

光 謹潔齋壇 虔恭頂禮

至心朝禮

太妙天紫府化氣西華金母元君

金臺亞姆領道上元夫人

金臺弼教司衡南極夫人

金臺分殿輔教紫微夫人
金臺分殿協化玉卮夫人
金臺分殿佐賢翠華夫人
金臺分殿贊善右英夫人
天孫雲錦太瑤織女星真
瑤池侍御雙成董女仙姬
瑤池侍御飛瓊許女仙姬
瑤池侍御靈華婉女仙姬
瑤池侍御安香段女仙姬
金臺從事嵩翠仙媿
銀閣從事鍾靈仙媿

芸閣領班雲和仙姑
芸閣內史萬善仙姑
瑤池侍御左右諸位仙姬

讚

名高北斗 位奠西陲 中天怖化佐無為
青鳥舜延飛 益地圖徽 道妙仰玄微

皈命禮大聖西華金母大天尊（三稱）

至心皈命禮

靈鍾神州 聲馳閬苑 托體庚辛之鄉 沐浴
壬癸之境 玉樓重重 不數巫山十二 翠水
疊疊 能教桃熟三千 清虛標徵實之奇 坤

順轄乾陽之柄 五老與為 周旋八洞 時承
懿旨 飛鸞開化乎女宗 駕鶴談玄於淨土
克推仙祖 允司婦儀 大悲大願 至玄至仁
西華清靈金母宏慈太妙無上元君

生等伏聞 金闕九重 彌羅妙玄真之境 騫
林七寶 太乙巖東極之都 瑤池幾可比擬
崇麗同深 瞻仰瓊樓玉宇 靈通迴別 人寰
璇室 珠宮璀璨 更環天府 誠為世塵希有
無矣天闕獨尊 緬維

西華金母 結梵質於九天 樹母儀於大地 玉
樓十二 巍巍光碧之堂 錦閣七重 渺渺青
霄之表 瑤池倚為左帶 翠漲乃其右環 弱水
層層 恆絕舟車之跡 神奇累累 間呈法象
之慈 仙山洵冠海山 住世仍超塵世 攀焉
鮮及仰也 彌高 生等忝列玄門 仰思懿範
皈身 皈命 遙冀恩光 謹潔齋壇 虔恭頂禮

至心朝禮

太妙天紫府化氣西華金母元君
金臺亞姆領道上元夫人
金臺弼教司衡南極夫人

金臺分殿輔教紫微夫人
金臺分殿協化玉卮夫人
金臺分殿佐賢翠華夫人
金臺分殿贊善右英夫人
天孫雲錦太瑤織女星真
瑤池侍御雙成董女仙姬
瑤池侍御飛瓊許女仙姬
瑤池侍御靈華婉女仙姬
瑤池侍御安香段女仙姬
金臺從事嵩翠仙媿
銀閣從事鍾靈仙媿

芸閣領班雲和仙姑
芸閣內史萬善仙姑
瑤池侍御左右諸位仙姬

讚

長生妙訣 不在丹砂 識得桃源路弗差
努力泛蘭槎 果熟方華 就食壽無涯

皈命禮大聖西華金母大天尊（三稱）

至心皈命禮

靈鍾神州 聲馳閬苑 托體庚辛之鄉 沐浴
壬癸之境 玉樓重重 不數巫山十二 翠水
疊疊 能教桃熟三千 清虛標徵實之奇 坤

順轄乾陽之柄 五老與為 周旋八洞 時承
懿旨 飛鸞開化乎女宗 駕鶴談玄於淨土

克推仙祖 允司婦儀 大悲大願 至玄至仁
西華清靈金母宏慈太妙無上元君

生等伏聞 按摩導引 尚非入道之階 叩斗
延年 不盡長生之術 煉汞砂而服餌 詎即
還丹採松菊而茹餐 僅成辟穀 即使仙居之
琪花玉樹亦等 人世之貴寶奇珍 炫心目者
有餘 延年齡者不足 緬維

西華金母 植桃雲嶺 根蟠萬八里之交 結蕊

虬枝 果熟三千年之紀 丁期作會 宴集群

仙 環珮鏘鏘 冠裳濟濟 瓊筵廠 夫繡帔

蕢實貯以晶盤 上中下洞府仙真 均沾厚惠

老少壯 瓊臺位媪 咸得分甘 鈞樂奏而悠

揚 霞觴飛而醉飽 恩光希有 指數靡窮 生

等忝列玄門 仰思懿範 皈身 皈命 遙冀恩

光 謹潔齋壇 虔恭頂禮

至心朝禮

太妙天紫府化氣西華金母元君

金臺亞姆領道上元夫人

金臺弼教司衡南極夫人
金臺分殿輔教紫微夫人
金臺分殿協化玉卮夫人
金臺分殿佐賢翠華夫人
金臺分殿贊善右英夫人
天孫雲錦太瑤織女星真
瑤池侍御雙成董女仙姬
瑤池侍御飛瓊許女仙姬
瑤池侍御靈華婉女仙姬
瑤池侍御安香段女仙姬

金臺從事嵩翠仙媿 銀閣從事鍾靈仙媿
芸閣領班雲和仙姑 芸閣內史萬善仙姑
瑤池侍御左右諸位仙姬

讚

靈飛妙典 度世仙鍼 吞符誦咒鍊身心
點石已成金 了證前因 沖舉沐恩深

皈命禮大聖西華金母大天尊（三稱）

至心皈命禮

靈鍾神州 聲馳閬苑 托體庚辛之鄉 沐浴
壬癸之境 玉樓重重 不數巫山十二 翠水

疊疊能教桃熟三千 清虛標徵實之奇 坤
順轄乾陽之柄 五老與為 周旋八洞 時承
懿旨 飛鸞開化乎女宗 駕鶴談玄於淨土
克推仙祖 允司婦儀 大悲大願 至玄至仁
西華清靈金母宏慈太妙無上元君

生等伏聞 清靜無為 每端居而簡出 拯提
有願 警歎而潛通 恍如大士之感孚 尋聲
救苦 儼若支天之響應 動念垂慈 淵虛沖
舉之中 神光普照 赫奕靈通之用 化度無
邊 緬維

西華金母 聽不得聞 而若可聞 視不可見 而
偶有見 周穆八駿 踵瑤島而謁金容 漢武
三邀 感誠求而臨御 宣傳秘典 仙壇時佇
鸞鳳 問錄真徒 談玄聿 垂訓誡 慈懷莫盡
宏願難名 匪僅坤道之宗師 實為玄曹之眾
母 亦臨亦保 無體無方 生等忝列玄門 仰
思懿範 皈身 皈命 遙冀恩光 謹潔齋壇
虔恭頂禮

至心朝禮

太妙天紫府化氣西華金母元君

金臺亞姆領道上元夫人
金臺弼教司衡南極夫人
金臺分殿輔教紫微夫人
金臺分殿協化玉卮夫人
金臺分殿佐賢翠華夫人
金臺分殿贊善右英夫人
天孫雲錦太瑤織女星真
瑤池侍御雙成董女仙姬
瑤池侍御飛瓊許女仙姬
瑤池侍御靈華婉女仙姬

瑤池侍御安香段女仙姬

金臺從事嵩翠仙媿 銀閣從事鍾靈仙媿
芸閣領班雲和仙姑 芸閣內史萬善仙姑
瑤池侍御左右諸位仙姬

迴向 伏念

道妙之玄 玄無二上 感孚之捷 捷於一心
敬維

西瑤聖母 純全梵氣 先天地以素存 化現妙
身 本庚辛而顯異 開天覺世 品則清高 御聖
統仙 職則清貴 而且清貞 堅不壞之身 清

華留臨鸞之詠 隨方接引 在在咸被 春風
到處 化神時時 備徵仙趾 兜率宮 賴分衝
乎道籙 彌羅闕 仗廣播 乎玄風 十洲三島
仰徽音 闔苑蓬萊 叨淑德 讚歎曷罄 感戴
靡涯 以今法事周圓 諒蒙垂鑒 爰偕道眾
各秉真香 翹首天街 俯伏送駕 為上良因
再申 稱念

西華金母大天尊（三稱）覃恩不可思議功德、、、
收經讚

西華金母 功德周圓 瑤池飄渺麗雲天

鸞鶴駐祥煙 仙樂奏闡 福壽慶長綿

皈命禮大聖西華金母大天尊（三稱）